

նում էր անթառամ ծաղիկը: Վասպուրականի լեռների ծաղիկները չորանալուց յետոյ եւս պահպանում են իրանց գեղեցկութիւնը: Ես թողնում եմ ուրիշ մանր-մուկ գարդարանքները, որոնց բոլորից երեւում էր, որ վարպետ Փանոսը ոչ միայն լաւ արհեստաւոր էր, այլեւ կրթած ճաշակի տէր մարդ էր եւ իրան շրջապատել գիտեր հագոագիւտ առարկաներով: Սենեակի պատերը ծեփոած էին սպիտակ գաջով, որի վրայ երեւում էին պարսկական ճաշակով նկարոած զանազան տեսարաններ: Մի տեղ պատկերացրած էր վագրի որսորդութեան հանդէս. մի երիտասարդ, փղի վրայ նստած, երկայն նիզակը ձեռքում բռնած, կռում էր ամեհի գազանի հետ. շները շրջապատել էին նրան, բայց ոչ մէկը չէր համարձակուում մօտենալ. վագրը իր առջեւի ճիրաններով պատերազմում էր փղի զօրաւոր կնճիթի հետ. երիտասարդը իր նիզակի ծայրը սրել էր նրա կողքը: Մի այլ տեղ կատարուում էր սալամի հանդէս. Արեւելքի թագաւորներից մէկը, շողշողուն գոհարներով զարդարոած, նստած էր փառաւոր գահի վրայ. հարիւրաւոր գլուխներ խոնարհոած էին նրա առջեւ. արթունիթի հռետորը, գահի մօտ կանգնած, ձեռքը ոգեւորութեամբ բարձրացրած, ճառախօսում էր, գովաբանելով արքայի ողորմածութիւնը եւ չկատարած սիրագործութիւնները: Մի տեղ ուժից ընկած. ծերունի մահմեդական Էֆենդին, թիկն տոած թաւիշեայ մութաբաներին, պառկած էր փափուկ օթոցի վրայ. նարգիլի օձապտոյտ ծխաբարչը թոյլ կերպով մխում էր նրա բերնում. երկու մանկահասակ կանայք փայփայում էին նրա մէկնած ոտները, երրորդը արմաւենու տերեւից կազմոած հովհարով զովացնում էր գառամեալ դէմքը: Մի այլ տեղ չորս սեւամորթ ստրուկներ, կիսամերկ, բոքիկ ոտներով, թեւքերի վրայ տանում էին մի շքեղ պատգարակ, որի մէջ նստած էր նրանց տէրը, նախշուն, ոսկենկար զգեստներով: Վերջին երկու պատկերները բոլորից աւելի գրաւեցին իմ ուշադրութիւնը:

Ինձ պատահել էր տեսնել Պարսկաստանի հարուստ հայերի տներում նկարներով զարդարոած սենեակներ, բայց նրանց նկարները ոչինչ միտք չունէին, պատկերացնում էին ծաղիկներ, ափսեւների մէջ դրած պտուղներ, պարտեզներ եւ սիրուն կանանց դէմքեր: Իսկ այստեղ, վարպետ Փանոսի հիւրանոցում պատկերների մէջ եւ իմաստ էի տեսնում, կարծես նրանք դիտմամբ պատողիրոած լինէին:

Սենեակի յատակը թեւ զուրկ էր տախտակամածից, բայց նրա փոխարէն ծածկոած էր եղէգնեայ փսիաթներով, որոնց վրայ տարածել էին գեղեցիկ պարսկական գորգեր եւ կապերտներ: Վերջինները տեղային տնային արհեստի արդիւնք էին: Անկողիները, ծալած, փաթաթած, առանձին-առանձին դրած էին պատերի մօտ: Նրանց թիւը ցոյց էր տալիս, թէ վարպետ